

PROTAGONISTAS
DEL DÍA



TENDENCIAS
CIENCIA
CULTURA
OCIO

VIERNES
22 DE MAYO DE 2015

EL CORREO GALLEGO



Lole Montoya
Cantora



Julieta Venegas
Cantante



Barbra Streisand
Actriz y cantante



Elton John
Cantante

Lole Montoya ha decidido aplazar el concierto previsto para el próximo 26 de mayo en Madrid, en el teatro Compac Gran Vía, ante el fallecimiento del que fue su marido y pareja artística, Manuel Molina.

Tras el tono más experimental y algo lóbrego de su último álbum, marcado por la violencia en México, Julieta Venegas vuelve a echar mano del acordeón en *Algo sucede*, álbum que lanzará el próximo agosto.

La cantante, actriz y directora Barbra Streisand está escribiendo sus memorias. La artista, de 73 años, ha llegado a un acuerdo con Viking para narrar el relato de su vida en un libro que se publicará en 2017.

El cantante británico Elton John actuará el 15 de julio en Málaga, en el palacio de deportes Martín Carpena, un concierto para el que ya se han puesto a la venta las entradas, dijo la promotora Live Nation Barcelona.

37

Alianza coas DO para impulsar a exportación de viños galegos

As accións conxuntas dos Rías Baixas, O Ribeiro, Ribeira Sacra, Monterrei, Valdeorras e Augardentes e Licores de Galicia empezarán no mercado alemán



Expositores e visitantes na última edición de Fevino, en imaxe de arquivo. Foto: Kiko Delgado

LUIS MONTERO
Santiago

O presidente do Goberno galego, Alberto Núñez Feijoo, anunciou onte, na rolda de prensa do Consello da Xunta, unha alianza coas denominacións de orixe para promover a internacionalización dos viños galegos, con accións

conxuntas que comezarán no mercado alemán.

“Aprobamos a promoción internacional dos viños e licores galegos amparados polas distintas Denominacións de Orixe que impulsaremos durante dous anos, 2015 e 2016”.

Como destacou o mandatario galego, trátase dunha “actuación pioneira” que se

desenvolve ao abeiro dun protocolo de colaboración firmado entre o Igape e os consellos reguladores das Denominacións de Orixe Rías Baixas, O Ribeiro, Ribeira Sacra, Monterrei, Valdeorras e Augardentes e Licores de Galicia.

Feijoo precisou que o plan centrarase no seu primeiro ano en Alemania, país

seleccionado polos profesionais da viticultura dado o seu especial interese para os produtores por tratarse dun mercado próximo, de fácil acceso e que conta cun importante potencial consumidor de máis de noventa millóns de persoas.

Logo de salientar que en 2014, un total de 80 adegas galegas exportaron cara este mercado máis de 600.000 litros por un valor de 2,8 millóns de euros, o titular do Goberno galego explicou que o obxectivo é triplicar no 2017 as exportacións das adegas galegas ao mercado alemán, mantendo os prezos medios das bebidas comercializadas.

Para lograr incrementar estas cifras, baixo o amparo e o renome da marca Galicia Calidade, o responsable autonómico afirmou que se desenvolverán distintas accións promocionais para dar a coñecer neses mercados os viños de Denominación de Orixe galegos e así incrementar as vendas daquelas adegas ou denominacións que xa comercializan os seus produtos ou que van intentar entrar no mercado de Alemania.

Polo que respecta a nivel xeral, o conxunto das Denominacións de Orixe galegas exportaron entre agosto de 2012 e xullo de 2013 un total de 6,2 millóns de litros, segundo datos facilitados pola Consellería do Medio Rural e do Mar.

Desa cifra, o 82 por cento foi comercializado no exterior pola DO Rías Baixas, ainda que Ribeiro, Valdeorras e Monterrei lograron nese período un importante incremento.

Ademais, e en conxunto, Galicia comercializou durante o pasado ano 35 millóns de litros de viño.

A CIFRA

2,8

Millóns de euros foi o recaudado o ano pasado en exportacións a Alemania polas 80 adegas que comercializaron os seus caldos neste país, en total máis de 600.000 litros. Unha cifra que se espera triplicar no ano 2017.

Promoción do destino Galicia en Corea do Sur e Xapón

Santiago. Un total de 170 operadores turísticos xaponeses e coreanos participarán nas xornadas de promoción directa do destino Galicia nas que Turismo de Galicia presentará a oferta da comarques galega e as posibilidades que ofrece o noso territorio para a organización de viaxes desde esta área de Asia.

Estas xornadas, organizadas polas oficinas de Turismo de España en Tokio e Seül, desenvolveranse entre o 24 e o 28 de maio e nelas participarán representantes de Turespaña e as embaixadas españolas.

O hotel Hilton de Osaka acollerá o día 25 a xuntanza cos operadores turísticos da cidade e a súa área de influencia. Nesta reunión participarán 44 axentes de viaxe locais. Pola mañá, o día 26 de maio, a directora da Oficina de Turismo de España en Tokio, presentará o mercado xaponés e coreano aos representantes dos organismos turísticos españoles participantes nesta misión comercial. Pola tarde, terá lugar un workshop cos de Osaka.

Desde Tokio os representantes de Turismo de Galicia trasladaranse ata a capital de Corea do Sur, Seül, onde se presentará a oferta turística galega aos 57 operadores turísticos más importantes. **ecg**

